


N. G R V C H I I
RESPONSIO AD BINAS
CAROLI SIGONII REPRE-
hensiones. Vnam de binis ma-
gistratuū comitiis, Alteram
de Lege curiata.



PARISIIS,
Ex officina Iacobi du Puys, è regione collegij
Cameracensis, sub insigni Samaritanæ.
1 5 6 5.





AMPLISSIMO VIRO
HENRICO MEMMIO, SUP-
plicum libellorum in Regia
Magistro, N. Gruchius
S. D.




Anta est tua
erga omnes
literarum stu-
diosos bene-
uolētia (cla-
rissime Mem-
mi) quātum
ego perspi-
cio ex iis libris qui à doctis homini-
bus indies aut sub tuo nomine, aut
non sine honorifica mentione tui

a ij

nominis, in vulgus eduntur : vt mihi
nullum inter literatos locum tenere
posse visus sim , nisi aliquid etiam à
me profectum, sub tuo nomine ap-
pareret. Quo & meæ erga te volunta-
tis atque obseruantiaë significatio-
nem darem : & ingrati animi notam
effugerem, si tuorum erga literarum
studia meritorum magnitudinem,
minus agnoscerem. Ego igitur (claris-
sime Memmi) meam ad reprehen-
siones Caroli Sigonij responsionem,
ad te mitto: simulque rogo vt tanti-
per à grauioribus tuis studiis ac ne-
gotiis animum relaxes, dum hunc li-
bellum tibi perlegere liceat : vt pro
ea eruditione qua in antiquitatis
Romanæ obseruatione plurimū ex-
cellis , grauissimum ac certissimum
tuum iudicium in hac nostra con-
trouersia interponas . Tanti enim

mihi erit tuum in hac re iudicium, vt
cuius tu sententiam probaueris, eam
& verissimam esse, & omnibus se-
quendam sim existimaturus. Vale.
Ex rustico prædio nostro, Cal. Iunij.
1565.







NICOLAI GRVCHII

responsio ad binas Caroli Sigonij reprehensiones. Vnam de binis magistratuum comitiis, Alteram de lege curiata.



QUANTUM mihi ea nec omni ex parte probantur quæ à Carolo Sigonio de comitiis scripta sunt: nec veriora iis videntur quæ à me sunt tradita: maximas tamen ei gratias meritò habendas duobus nominibus existimo. Primum quòd antiquitatis Romanæ studiosos, vt in reliquo omni iure Romanorum latè & ingeniosè explicando, ita in hac comitiorum ratione breuiter ac disertè tradenda, iuuare voluit. Deinde quod ea modestia vsus est in me reprehendendo, vt cum honorifica laudis meæ præfatione, nec gloriæ nec contentionis studio ductus, sed veritatis tantùm amore, ad hanc

dissensionem verius quàm reprehensionē
pertractus videatur. In quo cū perpoliti
humanitatis studiis ingenij specimē dedit:
tū verò mihi in hac mea responsione quid
sequendū esset, præscripsit. Itaq; ego non
modò extra omnem contumeliam, sed e-
tiam absque vlllo asperiore dicto, si maio-
rem non possum, at parem certè mode-
stiam referre contendam. Ac primū vt
quid sit in quo à me dissentit, & quibus
rationibus me reprehendat, intelligatur,
totum illum locum ex eius libro de Anti-
quo iure Romanorum huc transcribam,
qui ita habet: Vt autem centuriata comi-
tia nisi à maioribus, sic tributa & à ma-
ioribus & à minoribus magistratibus ha-
beri licuit. Quarum rerum rationē si quis
requirat, Nicolai Gruchij pereruditos de
comitiis, commētarios perlegat. Cui viro
vt multis in rebus assentior, sic in binorū
comitiorum ratione explicanda valde di-
uersus sum. Quod nō gloriæ, quærādæ sed
antiquitatis illustrandæ causa, cuiusmodi
sit, hoc loco pluribus mihi exponendum
putavi. Est ergo quæstio huiusmodi.
Cum trina fuerint comitia, quid sit in
quod Cicero in secunda Agraria de binis

comitiis quibus magistratus singuli crearentur, scripsit his verbis. Maiores de omnibus magistratibus bis vos sententiam ferre voluerunt. Nam centuriata lex censoribus ferebatur, cum curiata ceteris patriciis magistratibus cum iterum de iisdem iudicabatur, ut esset reprehendendi potestas, si populum beneficii sui poeniteret. Nunc quia prima illa comitia tenetis centuriata & tributa, curiata tantum auspiciorum causa remanserunt: hinc tribunus plebis quia videbatur potestatem neminem iniussu populi aut plebis habere posse, curiatis eam comitiis, quæ vos non initis confirmavit, tributa quæ vestra erant sustulit. Ita cum maiores binis comitiis voluerint vos de singulis magistratibus iudicare, hic homo popularis ne unam quidem populo comitiorum potestatem reliquit. Hæc Cicero. Hunc igitur locum dico obscurissimum esse, & quam ex eo sententiam Nicolaus Gruchius collegit, putare me ab ipsa consuetudine Romani moris, atque ab ipsa demum rei veritate abhorrere. Quis autem eius sensus sit, ex loci huius lectione, quam ille ex ingenio, ut video, ac nulla antiqui libri fultus

auctoritate attulit, facile intelligi potest. Est autem hæc: Nam cēturiata lex consuli-
bus ferebatur, & cæteris Patriciis magi-
stratibus, tributa plebeis: tum curiata ite-
rum de iisdem iudicabatur. Quæ ex le-
ctione apparet placere Gruchio patricios
quondam magistratus binis comitiis esse
creatos cēturiatis & curiatis plebeios item
binis, tributis & curiatis, post autē curiatis
comitiis obsoletis, magistratus omnes bi-
nis item comitiis declaratos centuriatis &
tributis. Quam sententiā si ille etiam al-
terius loci auctoritate firmaret, quod nec
facit, nec facere potest, tamen quia eam
multis interiectis ex ingenio verbis indu-
cit: ego vix in re tāta probare possem. Ne-
que enim simile veri videtur si singuli ma-
gistratus binis iisque diuersis fuissent co-
mitiis declarandi, non aliquam aliquādo
annalium scriptores eorum inter se con-
tentionem literis prodituros fuisse, si aut
curiata aut tributa centuriatorū sententiā
infirmassent. Quamobrem ego incolumi
vulgata lectione ita hunc locum interpre-
tor. Reprehēdit Rullum tribunum pleb.
Cicero qui Decemviros creari iubebat
tributis comitiis, ita vt non omnes xxxv.

tribus vocarentur, sed xviii. tantum forte ducerentur: deinde ut qui novem tribubus esset designatus lege curiata, id est imperio ornaretur. Reprehendit autem acutè magis ut solet in orationibus, quàm verè, & quod tributa comitia imperfecta attulit, & quod curiata obsoleta retulit. Id quod eò gravius esse significat, quod cum maiores binis quondam comitiis de omnibus magistratibus voluerint iudicari, hic neutra afferat. Quæ sint autem hæc comitia bina exponit centuriata & curiata. Nam consules (sic enim cum Gruchio legendum puto, non censors) centuriatis comitiis creabantur quando ceteri patricii magistratus declarabantur curiatis. Deinde iterum de iisdem magistratibus iudicabatur, ut priora comitia reprehendere populus posset. Quod autem ait consules centuriatis comitiis creatos, cum ceteri patricij magistratus curietis, rectè ait. Siquidem constat primos consules atque inde reliquos à populo per centurias conuocato, declaratos. Ceteros autem patricios magistratus intelligit quaestores: quos idcirco patricios vocat, quia prius patriciis ea potestas patuit, quàm plebeis. Plutarchus enim Publicolam

cōsulem Bruti collegam Quæstores duos
populo creandos permisisse, ait P. Minu-
tium & M. Veturium quas gentes tum pa-
tricias constat fuisse. Creatos autem esse
curiatis comitiis patet primum, quia non-
dum tributa instituta erant: deinde quia
Gellius scribit minoribus magistratibus
comitiis tributis magistratum dari, sed iu-
stius curiatis: postremò quia Tacitus lib.
xi. prodidit quæstores regibus imperanti-
bus esse institutos, idque legem curiatam
ostendere à L. Bruto repetitam. Quòd autè
ait bis iudicatum esse de omnibus magi-
stratibus, id nō habet eam vim ut signifi-
cet diuersis comitiis esse iudicatum centu-
riatis & curiatis: sed illud vult intelligi,
qui magistratus cēturiatis comitiis creati
erāt, ut cōsules, de his bis centuriatis comi-
tiis esse iudicatū: qui curiatis, bis curiatis:
ut qui prioribus comitiis aliquē creassent,
idem posterioribus, si pœniteret mutata
sententia, abrogare eundem possent. De-
inde addit. Nunc verò quia magistratus
creantur, non ut olim alii centuriatis, alii
curiatis, sed alii centuriatis alii tributis: cu-
riata oboleuerunt: Nam ea propter auspi-
ciorum religionem tantum remanserunt:

Rullus autem curiata comitia quæ non populus, sed pro populo triginta curiarum lictores ineunt, reuocauit: tributa imperfecta attulit. Ita cum maiores binis comitiis voluerint de eadem re iudicari, Rullus ne vna quidem comitia populo reliquit, nam in vtrisque peccauit. Neque verò illam rationem perpetuò obseruatam esse existimandum est, quam apud maiores ait fuisse: vt iisdem comitiis bis de eodem candidato iudicaretur, sed effigiem tantum ac similitudinem eius retentam. Nam cum prerogatiuæ centuriæ suffragatione instituisent, eam pro vnis comitiis habuerunt: reliquarum autem quæ iureuocata dictæ sunt pro alteris. Sic enim celerius suffragia à populo iniri posse iudicarunt si eadem comitia partirentur, quam si eadē bis integra haberentur. Hoc autem intellexit & docuit Asconius his verbis: In secundam Verrinam prerogatiuæ tribus sunt, quæ primæ suffragium ferunt antè iure vocatas. Mos enim fuerat quo facilius in comitiis concordia populi firmaretur, bina omnino de iisdem candidatis comitia fieri: quorum tribus prerogatiuæ dicebantur, quòd primæ rogarètur quos vellèt

consules fieri: secundæ iureuocatæ, quòd in iis sequente populo, vt sæpe contingit, prærogatiuarum voluntatem iure omnia complerentur. His enim verbis significat bina quidem comitia esse habita, sed nõ integra: verum speciem tantum binorum comitiorum esse vsurpatam. In tributis enim sorte tribum, in centuriatis ex tribu sorte centuriam eduxerūt, quæ primæ suffragium iniret. Quæ centuria quoniam ante alias rogabatur, prærogatiua dicta est, & tribus, vnde sumpta est: prærogatiua etiã appellata. Prærogatiuæ autem tribus vel centuriæ prærogatiuæ sententiam pro vnis comitiis habuerunt reliquarum quæ deinceps citabantur, & iureuocatæ dicebantur iudicium vt dixi, pro alteris plerūquæ autem fiebat vt iureuocatæ sententiæ prærogatiuarum sequerentur, raro autem rescinderent. Vnde illud est Ciceronis pro Murena tantam comitiis cēturiatis fuisse religionem, vt semper omen prærogatiuæ valuerit. Hactenus Sigonius.

Hanc Caroli Sigonii reprehensionem video duobus potissimum capitibus contineri. Vno reuocat ac refutat meam de bi-

nis comitiis sententiam. Altero suam ex Asconio interpretationem confirmare nititur. Ad utrumque caput mea seorsum conferetur responsio: primum enim nostram tuebimur, atque amplius confirmabimus sententiam: deinde ad eius sententiam quæ Asconii loco tantum niti videtur accedemus. Ego igitur bina illa comitia, de quibus scribit in secunda agraria Cicero, affirmo fuisse in maioribus magistratibus centuriata & curiata: in minoribus, tributa & curiata: neque ego id pro meo agnosco quod mihi placere scribit Sigonius, curiatis comitiis obsoletis, magistratus omnes binis, item comitiis declatatos céturiatis & tributis: sed cùm adhuc iusta erant curiata comitia ea in usu fuisse cùm céturiatis aut tributis existimo: cum verò adumbrata illa per triginta lictores superfuerunt curiata, illa ipla dico ad centuriata etiam aut tributa accessisse. Eam verò esse Ciceronis illo in loco sententiam facile conuincam, si locum illum ita esse restituendum ut à me est restitutus, docuero. Ac primum consideranda est ratio cur hæc de binis comitiis verba à Cicerone subiecta sunt. Perspicuū est enim qui à Rullus

vno capite suæ legis volebat præter tributa comitia, tametsi non integra, quibus decemviri crearètur, ferri legem curiatâ: propterea Ciceronem ad hanc comparisonem iuris à maioribus instituti, & iniquitatis legis Seruiliæ, devenisse. Et cum videretur Rullus sua lege morem maiorè, quoad tum in usu erat, sequi velle, in eo quòd decemviris magistratû dabat tributis comitiis, quibus etiam curiatâ legem adiungebât, contrà Cicero id totum Rullo argutissimè detrahit, ac docet, tametsi videatur maiorum instituto id velle facere, cum tamen planè à more maiorum discedere. Quo ut perveniat morem maiorum subiicit in toto genere magistratû, quem hîc tribunus pl. in decemvirorum magistratu observare præ se ferebat. Ex quo apparet, ut erât bina comitia quæ fieri vellet in his decemviris Rullus, tributa & curiatâ: ita in omnibus magistratibus bina comitia fuisse, aut centuriata & curiata, aut tributa & curiata. Iam verò si propiùs considerentur illa Ciceronis verba [iam hoc inauditû & planè nouo more, uti curiata lege magistratus detur, cui nullis comitiis antè sit datus.] Ex iis inquam verbis facilè

erit ex contrario concludere, vñtati moris
fuisse, cui antè dat⁹ fuisset magistrat⁹ veris
quibusdā comitiis, ei vt lege curiata magi-
stratus daretur. Vnde efficitur, si iusta co-
mitia quibus magistrat⁹ daretur, erāt cētū-
riata & tributa, vñtatū fuisse vt ad illa iusta
comitia accederēt curiata. Atq; vt ad meā
illius loci Ciceronis restitutionē veniam,
eius me auctorē habere ipsum Ciceronē,
confirmo: quo minus requirenda est anti-
quorū librorū auctoritas. Verba illius ita
habebāt [Maiores de omnibus magistrati-
bus bis vos sentētiā ferre voluerūt: nā cen-
turiata lex cēsoribus ferebatur cū curia-
ta cēteris patriciis magistratibus: tum iterū
de iisdē iudicabatur, vt esset reprehēdendi
potestas, si popukū beneficii sui poeniteret.
Nūc quia prima illa comitia tenetis, centu-
riata & tributa: curiata autē auspiciōrū cau-
sa remāserūt: hīc tribunus pl. quia videbat
potestatem neminem iniussu populi aut
plebis posse habere, curiatis ea comitiis
quæ vos nō initis cōfirmavit, tributa quæ
vestra erāt sustulit. Ita cū maiores binis
comitiis voluerunt vos de singulis magi-
stratibus iudicare, hic homo popularis ne
vnam quidem populo comitorum pote-

statem reliquit] Illa verba corrupta esse nemo dubitat: verum si cum prioribus verbis sequentia rectè conferantur, nullo negotio pauca verba quæ defunt, adiicietur: & quod inturbatum erat suo loco reponetur. Ac primum pro illo censoribus legendum esse consulibus, etiam mecum consentit Sigonius. In his verò verbis [nam centuriata lex consulibus ferebatur, cum curiata cæteris patriciis magistratibus] faciendam fuisse mentionem tributorum comitiorum, indicant verba paulo post sequentia [nunc quia prima illa comitia tenetis centuriata & tributa. Cum enim Cicero in designandis illis binis omnium magistratuum comitiis, prima dicat fuisse centuriata & tributa, necesse est secunda ex iis binis fuisse curiata: quod ipse satis indicat cum subiicit [curiata autem tantum auspiorum causa remanserunt] Vnde efficitur in superioribus illis verbis [tum iterum de iisdem] curiatorum mentionem fuisse faciendam, ita ut legendum esset [tum curiata iterum.] Hæc enim verba sunt quibus secunda comitia ex binis designare voluit. Illud quoque necessarium consequens est ut in priore membro prima illa quæ Pau-

lò post nominantur comitia, suum locum habeant, non modò factam esse mentionē centuriatorum, sed etiam tributorum comitiorum. Et quoniam cēturiata patriciis magistratibus tribuuntur, plebeis tributa esse tribuenda. Patriciis enim magistratibus plebeios opponi nemo nescit. Ex quibus sequitur sic omnino legendum esse. [Nam centuriata lex coss. ferebatur & cæteris patriciis magistratibus, tributa plebeis: tum curiata iterum de iisdem iudicabatur.] Atque ego hunc errorem ex liberiorum imperitia ortum esse suspicor: qui tributam legem non posse dici existimabant: vt etiam nunc sunt qui dubitant an lex tributa tam Latinè dici possit, quàm lex centuriata aut curiata. Ego igitur meæ restitutionis rationem breuiter sic concludo. Verba illa [nunc quia prima illa comitia tenetis centuriata & tributa] ostendūt Ciceronem in Assumptione suæ argumentationis, ita bina comitia de quibus mentionem fecerat, distribuere: vt prima appellet cēturiata & tributa: ex quo consequēs est secunda esse curiata. Necesse igitur est in ppositione ac ratione propositionis factā fuisse mētione centuriatorū & tributo-

rū comitiorū vt primorū : curiatorū verò
comitiorū vt secūdorū . Apertè autē cētū-
riata attribuit patriciis magistratibus: qui-
bus plebeios opponi magistratus nemo
dubitat: consequens igitur est vt tributa
plebeis magistratibus tribuantur. Et quo-
niam hanc meam sententiam alterius loci
auctoritate firmari postulat Sigonius, ego
& me ita fecisse & facere posse contra quā
ipse scribit, demonstrabo. Nā cur dissimu-
lat locū illū Messalæ à me ex Gellio citatū
ex lib. xiiij. cap. xiiij nullam causam video.
Verba Messalæ hæc sunt. [Reliquorū ma-
gistratuum minora sunt auspicia. Ideo illi
minores, hi maiores magistratus appellan-
tur. Minoribus creandis magistratibus tri-
butis comitiis magistratus, sed iustius cu-
riata datur lege.] An non locus ille satis
apertè demonstrat ad minorum magistra-
tuum tributa comitia accessisse legem cu-
riatam, qua etiam iustius magistratus da-
retur quàm ipsis tributis comitiis? Cumq;
adhuc erant iusta comitia curiata, ac non
illa tantū adumbrata per triginta licto-
res, cui dubium est quin de minoribus il-
lis magistratibus bis iudicaret pop. Roma-
nus? quin bina haberentur de eodem ma-

gistratu comitia ? Quòd si in minoribus magistratibus id verum esse ex illo loco perspicuum est, cur dubitabimus cum Cicerone ad omnes magistratus transferre? ac non ad eos tantum qui tale imperium haberet quale iis modò magistratibus qui exercitum ducerent, tribuit Sigonius? De quo tamen imperio quàm valde ab illo dissentio in secunda illius reprehensione videbimus. Quòd verò scribit Sigonius non esse verisimile si singuli magistratus binis, iisque diuersis fuissent comitiis declarandi non aliquam aliquando annalium scriptores eorum inter se contentionem literis prodituros fuisse: si aut curiata aut tributa comitia centuriatorum sententiam infirmassent, illa profecto ratio non modò in forma est, sed etiam tam valere potest ad infirmendam suam de binis comitiis sententiam, quàm meam. Nusquam enim annalium scriptores bina cēturiata, aut bina curiata de eodem magistratu habita fuisse scribunt: neque vsquam reperitur iudicium priorum cēturiatorum à posterioribus esse infirmatum: aut priorum curiatorum sententiam à posterioribus esse abrogatā. Id sanè mihi nō mirum videtur,

fi in historia nō reperiamus, quòd vniuersus popul⁹ cēturiatim aut tributim iudicaret, à parte populi quę curiis cōtinebatur, aliquādo fuisse infirmatū, pręsertim in magistratū creatione. Quin tamen hoc pro suo iure populus posset, ego non dubito. Ac si ius ac potestas populi quæratur, non quid aliquādo ab eo factū sit, perspicuū est vera esse Ciceronis verba, cum dicit populo reprehendendi potestatem fuisse si cum sui beneficii poenituisset. Nec mirum videri debet Ciceronem ad populum verba habentem, ita populariter de causa curiatorum comitiorum locutum esse, vt tametsi ob alias etiam causas quam vt iterū iudicaret populus de iis magistratibus quos designasset magistratus ornarentur lege curiata, illum tamen vsum potissimum qui populi potestatem maximè respiceret accommodatè ad suam causam, acciperet. Atque vt tandem meam de binis comitiis sententiam confirmādi finem faciam, rursus totam Ciceronis argumentationem aduersus Rullum propius inspiciamus. Decemuiros Rullus ornabat lege curiata, hoc est pręter illa per tribus septemdecim comitia tributa, volebat de
corum

eorum imperio, quòd prætoriū esse volebat Rullus, ferri legē curiatam. In eo Cicero docere vult tribunum pl. qui tantopere popularis hominis nomen aucupetur, tantum abesse ab eo vt popularis sit, vt quod ius à maioribus in magistratuū creatione constitutū erat, in quo populi potestas maximè constaret, hic tribunus pl. de eo iure nihil in his suis decēuiris reliquerit. Nam maiores bis de eodē magistratu iudicādi potestatem populo faciebant, hic ne semel quidem iudicandi de decemuiris populo dat potestatem. Quæ enim tributa comitia de his haberi vult, ea pro nullis habenda sunt: quandoquidem maior pars populi suffragio priuatur: quæ adiūgit curiata, ea iamdudum in vsu esse desierūt, nec populus iis comitiis suffragium fert sed triginta tantū lictores, nulla igitur Rullus sua lege populo relinquit comitia. Quod quid aliud est quàm populum iure suo priuare? Cū ergo ea lex sit Rulli, qua optimo suo iure populus priuetur, necesse est & legem & ipsum latorem legis nullo modo populares esse. Hanc argumentationem quis non videt idèò aduersus Rullum valere, quia cum vetustate obso-

leuissent curiata comitia, tributa quæ populo in usu erant, sua lege manca & mutila populo dabat Rullus? Quod si integra reliquisset Rullus tributa comitia, & adhuc in usu fuissent curiata, planè in decemuiris creandis morem maiorum secutus fuisset: nec ullus fuisset locus huic Ciceronis argumento. Vnde efficitur cum fuisse morem maiorum quem dixi, ut scilicet ad iusta comitia centuriata aut tributa in omnium magistratuum creatione adiungerent curiata: olim quidem, & ad multam usque ætatem per triginta curias: posterioribus verò temporibus, per triginta lictores: idque adeò quod posterioribus temporibus de lege curiata tantum propter auspicia dicis causa retentum erat, olim iustis comitiis peragi solitum fuisse. Concludatur ergo primum caput hac firmissima, opinor, ratione. Nihil obsoleuisse rectè dici potest quod non aliquando in usu fuerit. Atqui ut de magistratibus lex curiata iustis comitiis ferretur, id obsoleuisse dicit Cicero, & tantum ad usurpationem vetustatis auspiciorum causa retentum esse: cum interim adhuc retinerentur prima illa comitia centuriata

& tributa, prima inquā ex iis binis quibus de singulis magistratib⁹ apud maiores populus iudicabat. Necesse igitur est vt id aliquādo in vsu fuerit in magistratuū creatione. Et si postremis temporibus obsoleuisse dicatur, prioribus tēporib⁹ adeóq; apud maiores in vsu fuisse necessariò factéduin est. Nunc venio ad alterú caput: in quo demonstrare conabor nec veram esse Sigonij de binis comitiis sententiam, nec loco Ciceronis accommodatam: nec illo quem citat Asconij loco vlla ex parte iuuari. Quod scribit Cicero maiores voluisse vt de omnibus magistratibus binis comitiis popul⁹ iudicaret, id Sigonius ita interpretatur, vt velit qui magistratus centuriatis comitiis creabantur, bis centuriatis: qui curiatis, bis curiatis creatos esse. Qua interpretatione cogitur morem illú maiorum ad illa modo Reipu. tempora referre, quibus consules tantum & questores Rome creabantur; nec vlli alii præterea magistratus. Itaque cú ait Cicero [nam centuriata lex consulibus ferebatur cum curiata, cæteris patriciis magistratibus] illud cæteris patriciis magistratibus, de quæstoribus interpretatur. Quæ interpre-

tatio vt vera esse possit necesse est huic
maiorum instituto ad id vsque tempus lo-
cum fuisse quo ex patriciis tātum & coff.
& quæstores fiebant. Hīc ego doctorum
omnium iudicium appello, an verisimile
sit Ciceronem ita locuturum [maiores de
omnibus magistratibus bis vos sentētiā
ferre voluerunt] si ad duos tantū magi-
stratus consules & quæstores id pertinuis-
set: at quam sit accommodatum hoc ge-
nus loquendi [cum curiata cæteris patri-
ciis magistratibus] cū vnus tantū ma-
gistratus esset præter consules, qui patri-
cius esset. Nam quomodo conuenit cæte-
ros patricios magistratus dicere, cū
vnus modò sit magistratus reliquus de
quo loquaris? Deinde verò sua interpre-
tatione Sigonius hanc moram maiorem
ad id vsque tempus locum habuisse signi-
ficat, quo prærogatiuæ suffragiū pro vnīs
comitiis subrogatum est: idēque paulò
pòst hunc locum, quem modò transcripsi,
dicit: tum demū hanc prærogatiuam in-
stitutam esse quando expletæ sunt xxxv.
tribus. Atqui ex historia constat xxxv.
tribuum numerum non fuisse expletum
ante finem primi belli punici. Oportebat

ergo vt prima nouissimis aptè conuenirent, sic locum Cicéronis interpretari, vt quod de binis comitiis magistratuū dicit, omnibus cōueniret magistratibus qui Romæ erāt, vsq; ad illud tēp⁹ quod dixi, post finē primi belli punici fuisse. At Sigonius non negabit multo tēpore ante primū bellum punicū, omnes magistratus, quiquidē populi ac non plebis tantū essent, promiscuè ex patribus & plebe creatos fuisse: ac præter consules & quæstores multos alios fuisse magistratus. Quomodo ergo aptè mos ille maiorū, de quo loquitur Cicero, verbo coarctabitur ad patricios, tã paucos magistratus, cū re vera conueniat omnibus qui tū erāt magistratib⁹, qui æquè ex plebe creabātur, atq; ex patrib⁹. Cū enim auctore Sigonio verū sit magistratus, qui comitiis cēturiatis fiebant, binis cēturiatis fuisse creatos, ad illū vsq; tēpus dū prærogatiua pro vnīs comitiis substituta est: hæc verò prærogatiuæ suffragatio non ante quingentesimum ab vrbe condita annum eodem ipso auctore instituta sit: quid causæ est cur Cicero de hoc maiorum instituto loquens, id quod in prætoribus & censoribus, & omnibus consulibus, tam

patriciis quàm plebeis verum fuit, ad consules tantum atque eos patricios, traduxerit? Et quod ad quingentesimum & eo amplius annum vrb. Con. L. vſitatum fuit, id non vſque ad quadringēteſimū retulerit? Cōſtat enim ex historia ante quadringentesimum annum vrbis conditæ, consules etiam ex plebe factos, cū multò antè tempore Tribuni militares consulari potestate promiscuè ex plebe & patribus facti eſſent. Quod si illa absurda videantur, nec aliunde tamen efficiantur, quàm ex illa Sigonij interpretatione, reliquum est vt minimè accommodatā ad Ciceronis sententiam eius interpretationem dicamus. Iam verò cū non poſſit Sigonius hanc prærogatiuæ pro vnis comitiis substitutionē, transferre ad illos magistratus quos vult comitiis curiatis creatos, vellem pro binis comitiis curiatis, quid poſtea ſubrogatum ſit docuiſſet. An vult tandiū fuiſſe bina curiata minorum magistratuum comitia, quādiū fuerunt bina centuriata maiorum magistratuū? Atqui id falſum eſt. Nam multò antè quàm prærogatiuam inſtitutam fuiſſe dicit, minores magistratus tributis comitiis creabantur. Id quod ego

docco ex ædilitate Cn. Flauii. Ædilem enim tributum factum esse historia testatur, ut à me in secundo de comitiis aperte ostensum est. Atqui multò antè tempore quàm expletæ essent xxxv. tribus Ædis fuit Cn. Flavius. Quod si tū tēporis ædiles curules tributis comitiis creabantur, cui dubiū est quin & quæstores & reliqui minores magistratus iisdē comitiis crearentur? Hoc ergo constitutū sit, multo tēpore antequàm expletæ essent xxxv. tribus minores magistratus tributis comitiis creari solitos. An dicet bina curiata in solis quæstoribus in usu fuisse? atq; id tandiū, quandiū ex patriciis tātūm creabātur: postea tributis creatos fuisse? Quid verò mos ille maiorū? ita ne repētè abrogatus est, ut pro binis comitiis curiatis nihil substitutum sit? Nam prærogatiuæ suffragatio in tributis comitiis locū nō habuit, nec iureuocata in his comitiis tribus intelligi possunt: quandoquidē semper vno modo habita sunt tributa comitia: nēpè ut sorte omnes tribus educerentur: nec vllæ vnquam tribus pro suo iure prius vocandæ fuerūt quàm aliæ: quod fuit in centuriis faciendum pro iure ordinis, census, atque ætatis. Ergo qui bi-

nis comitiis curiatis creabātur quæstores,
postquam admissum est vt non minus ex
plebe quàm ex patribus fierent, repentè
vnis comitiis tributis creari ceperunt? An
non hoc est animi causa fingere? Quid(si
Cornelio tacito credamus) quæstores qui-
dem iam inde ab regibus fuisse, sed eos po-
puli suffragio non fuisse creatos nisi sexa-
gesimotertio anno post Reges exactos?
qui annus incidit in annum vrbis cond.
cccvii. Coss. Sp. Herminio & T. Virginio,
vt quod de quæstoribus scribit Plutar-
chus sic interpretemur, quasi velit Publi-
colam legē tulisse, qua ij qui erant quæsto-
res, iam antè à Bruto consule nominati,
ærario præferrentur. Cōstat enim ex Ta-
cito Brutum legem curiatam retulisse
de quæstoribus, hoc est legem curiatis co-
mitiis tulisse, non qua populus quæstores
crearet, alioqui Tacitus sibi ipse contra-
diceret, sed qua consulibus permittebatur
quæstores designare, perinde vt antè regi-
bus licebat. Quæstores verò, quos primos
dicit Tacitus, populi suffragio fuisse fa-
ctos, tributis comitiis, declaratos ego su-
spicor: ita tamen, vt auspiciorum causa lex
curiata post de eorum magistratu lata sit,
quemadmodum

quemadmodum in minoribus magistratibus vsitatum fuisse scribit apud Gellium Messala. Cur verò illud ita esse existimem cò adducor, quòd iamdudum in vsu esse ceperant tributa comitia, non modò in legibus, sed etiam in plebeis magistratibus, post perlatà Voleronis legem. At si vera est Taciti historia, quis locus restabit interpretationi Sigonij? Sin eorum potius sequamur opinionem, qui iam inde à regibus volunt populi suffragio creatos quæstores dicat mihi Sigonius? quid causæ est cur illud de binis comitiis curiatis ad solos quæstores transferat? quando ex historia constat alios multos magistratus, tametsi extraordinarios, creatos fuisse toto illo tempore, dum quæstores ex patriciis fiebant. Nam populi suffragio reperimus creatos Duumuiros dicandis sacris ædibus, Triumuiros coloniæ deducendæ, præfectos animæ, Quæstores parricidii. Quid? quæstorésne binis, hi omnes singulis curiatis creabantur? At si probabilius videtur Sigonio omnes binis, cur ad solos quæstores sua interpretatione id reuocat? Illud etiam rogo, cùm perspicuum sit vsq; ad legem Voleronis perlatam tribunos

adilésque plebis curiatis comitiis fuisse creatos, rogo inquā nūquid binis tā probabile est creatos fuisse, quàm quæstores? Cur ergo sua interpretatione ad patricios coarctabat, quod pariter verum fuit in plebeis? Iam verò sua interpretatione Sigonius in binis comitiis nullum locū relinquit tributis comitiis, sed tantū mentionem facit centuriatorum & curiatorum: cū tamen Ciceronis contextus planè in binis illis quæ dixerat comitiis tributa numeret. Nam quid aliud sibi volunt hæc verba, nunc quia prima illa comitia tenebris centuriata & tributa, quàm vt significant ex binis comitiis quæ more maiorum habebantur de singulis magistratibus, prima fuisse centuriata & tributa, quæ etiam tū perinde vt apud maiores in vlu essent? Non est igitur verbis Ciceronis accommodata illa interpretatio, qua tributa magistratuum comitia excluduntur. Verū vt magis ac magis vrgeā, ac propiūs cum Sigonio congregiar, illa ipsa tempora ad quæ nos reuocat consideremus, ac videamus verūmne sit primis illis Reip. temporibus binis comitiis centuriatis Coss. creatos fuisse. Nos ex Ciceronis verbis docui-

mus vſitatum fuiſſe, vt magiſtratus lege curiata daretur ei cui aliis veris iuſtiſque comitiis datus erat. Ex quo conſequebatur, de quo magiſtratu lex centuriata lata erat vſitati moris fuiſſe, de eo vt lex etiam curiata ferretur. At ſi quando lex curiata iuſtis comitiis lata eſt, primis temporibus maximè id vſitatum fuiſſe Sigonius fateatur neceſſe eſt. Primis ergo illis temporibus de conſulibus lex curiata iuſtis comitiis ferebatur. Atqui Sigonio auctore cēturiata lex bis de iisdem ferebatur. Non igitur binis modò comitiis de conſulibus, vt ait Cicero, ſed ternis iudicabant maiores. Quia enim imperij cōſularis præcipua pars in belli gerendi poteſtate conſiſtebat, adeò vt conſules creare idem propè eſſet quod imperatores creare: auctore autem Cicerone; conſuli ſi legem curiatam non haberet, attingere rem militarē non licebat, neceſſariò efficitur omnibus tum conſulibus legem curiatam ferri neceſſarium fuiſſe: primis ergo illis temporibus cū erant iuſta populi per xxx. curias comitia, lex curiata ita de imperio conſulum ferebatur, vt niſi negare velimus libera fuiſſe populi ſuffragia, poteſtas populo

esset, iubendi quod vellet de consulum imperio: atque adeo (quemadmodum Cicero dicit) reprehendēdi quod iā decreuerat, si populum beneficij sui pœniteret. Semel igitur de consulibus à populo iudicabatur curiatis comitiis: quibus si cum Sigonio adiungamus bina centuriata, relinquitur vt non bis tantum (quemadmodum ait Cicero) sed ter iudicaret populus more maiorum de consulibus. Venio iam ad locū Asconij, quem citat Sigonius ex commentario in secundam Verinam. Eum locum video variè legi. Nam in quibusdam codicibus legitur eo modo quo legit Sigonius [bina omnino de iisdem candidatis] in aliis [bina denuò de iisdem] in aliis atque adeo in veteribus vt testatur Hotomanus [bina domo] in aliis meo quidē iudicio optimè [bina quodā modo de iisdem] ita vt totus locus sic legatur [prærogatiuæ tribus sunt quæ primæ suffragium ferunt antè iure vocatas. Mos enim fuerat quo facilius in comitiis concordia populi firmaretur, bina quodammodo de iisdem candidatis comitia fieri: quorum tribus primæ prærogatiuæ dicebantur, quòd primæ ro-

garentur quos vellent coll. fieri: secundæ iureuocatæ, quòd in iis sequente populo, vt sæpe contingit, prærogatiuarum voluntatem iure omnia complerentur] Ex his Asconij verbis colligit Sigonius, prærogatiuæ sententiæ pro vnis comitiis habitam fuisse: reliquarum quæ iureuocatæ dicebantur iudicium pro alteris: atq; ita bina quodam modo fuisse comitia de singulis candidatis qui comitiis centuriatis magistratû accipiebant. In quibus habet me quoque adstipulatorem. Verùm hæcenus tantum. Nam quòd adiungit hæc verba ad id pertinere, quod Cicero in secunda agraria scribit de binis comitiis: quòdque ante institutam prærogatiuæ suffragationem integra dicit fuisse bina centuriata, atque id ex hoc Asconij loco se posse colligere existimat, in iis verò omnibus longè ab illo dissentio: eaque ex Asconij aut verbis, aut sententia rectè induci posse, pernego. Primû enim scimus Asconiû Neronis ætate scripsisse, quo tempore nulla fiebant populi comitia, desierantque fieri iam inde à principio imperij Tiberij, Itaq; cùm ad filios scribat omnis rationis comiciorum ignaros, quid mirum est si vt de re iam longè

ab eorum notitia remota, ita de prærogatiuis & iureuocatis tribubus scribat? Cum ergo dicit morem olim fuisse ut bina quodam modo comitia de singulis candidatis fierent, non est id ad vetustiore morem referendum, quam ad eum qui obseruabatur toto illo tempore ex quo prærogatiuæ tribus & iureuocatae esse ceperunt. Quoniam enim maiorum instituto prærogatiua iustorum comitiorum omen erat eò respiciens Asconius rectè dicit prærogatiuæ sententiam pro vnis comitiis quodam modo. Verum ut non potest ex eo quod dicitur prærogatiua omen fuisse iustorum comitiorum, rectè colligi ante institutam prærogatiuam fuisse pro illa iusta quædam comitia, ita nec ex Asconij verbis id concludi potest. Nam quòd de populi còcordia in comitiis firmanda scribit Asconius, id nò eò pertinet, ut significet ne populus ægrè ferret tolli, altera ex duobus comitiis quibus de magistratibus iudicare antè solitus erat, ideo prærogatiuæ suffragatione institutam: sed potius còtra ipsa ut scripta sunt verba significant, cum antè nò essent bina comitia, ad firmandam populi còcordiam, factum esse ut quodam modo

bina essent. Et certè (vt meam de hac re obiter sententiam aperiā) quod de firmāda populi concordia scribit Asconius, id ego sic esse accipiendum existimo. Non dubium est quandiu Seruij Regis instituto habita sunt centuriata comitia, quin tota vis comitiorum esset penes primores, hoc est penes eos qui maximi sensus erāt. Idque adeò verum fuit, vt quoniam equitum ac primę classis centurię numero plures erant q̃ reliquarum classiũ omnes ceterię, vix vnquā requireretur in dicēdis suffragiis reliquę multitudinis populi quę illis classibus continebatur sentētia. Cū ergo mutatū est Seruij institutum, quod Liui⁹ lib. pr. docet factū esse post expletas xxxv. tribus: cūque duplicatus est numerus centuriarum à Seruio institutus, perspicuum est tum multo magis vim omnē suffragiorum illa centuriarum duplicatione in primores inclinasse. Vnde efficiebatur vt reliqua multitudo vix in partem veniret suffragiorum. Quod perquā graue ac molestum plebi futurum haud dubiè erat, nisi huic incommodo prudenter subuentum esset. Id verò sortitione prerogatiue effectum est. Nam ex omni populo

forte deligebatur vna centuria, quæ prima suffragiū diceret: nec iā equites primi pro suo antiquo iure sentētiā dicebant, nisi ita fors tulisset, sed æquē in infimæ classis cēturias id cadere poterat. Quocirca rectē Asconius dicit prærogatiuæ institutione firmatam fuisse populi concordiam. Et sane cū in populi suffragiis instituta est prærogatiua, tū noua quædam comitiorum forma inducta est, ac nouū prope modum genus comitiorum in remp. inuectū. Quòd enim omnes tribus primū in sortem coniiciebantur, deinde omnes eiusdē tribus centurię, vt nullo habito delectu cēsus aut ætatis ea prima rogaretur, quæ prima exierat: hæc inquam omnia noua fuerunt, & in comitiis centuriatis non antè visitata. Quādoquidem sine vlla sortitione semper vocarentur primæ pro suo iure equitum centuriæ, deinde primæ classis seniorum prius, pòst iuniorum centuriæ. Quare non immeritò dicit Asconius cū prærogatiua instituta est bina quodammodo fuisse facta comitia de iisdem candidatis: Quòd si propter prærogatiuæ suffragationem in rempubl. inuectam, bina quodammodo de singulis candidatis comitiæ

mitiæ fuerunt: idque est quod verba Afconij significant, omnes profectò qui rectè coniciant non id colligent ex Afconij loco quod Sigonius colligit, ante prærogatiuæ suffragationem fuillè bina centuriata comitia integra: sed contrà potius, cùm antè non fuissent bina de iisdem candidatis comitia centuriata, prærogatiuæ institutione factum esse vt quodam modo bina essent. idque ad firmandam (vt Afco. ait) populi concordiam. Postremò cùm prærogatiuæ suffragatio nò minus ad legum ac iudiciorù cēturiata comitia pertineret, quàm ad magistratuū comitia: rectū mne videri potest quod Sigonius hanc prærogatiuæ sentētiam pro vnis comitiis quæ de magistratibus habebātur, substitutam fuisse affirmat? Neque enim putare eum existimo bina etiam centuriata legibus ferendis ante institutam prærogatiuam, fuisse habita. At si ad omnia pariter centuriata comitia pertinuit prærogatiua, cur in vno genere comiciorum pro vnis comitiis dicetur substituta, in alio genere minimè? Et quomodo Ciceronis loco interpretando, in quo de binis magistratuum comitiis loquitur, propriè conuenire di-

cetur? Si ergo loco illo Asconij magis refutatur Sigonij de binis comitiis sententia, quàm confirmatur: si nullo historiæ testimonio nititur: si nullo modo ad verba Ciceronis est accommodata: mea contrà & historiæ testimoniis, & veterum scriptorum auctoritate confirmatur: & aptè illi Ciceronis loco de quo agitur conuenit, meæ potius quàm Sigonij standum esse sententiæ omnes opinor docti iudicabunt.

Ad secundam Sigonij reprehensionem priusquam veniam, totum illud caput de imperiis mihi ex eius libro huc transcribendum esse videtur vt melius appareat, quibus in rebus mihi cum illo conuenit, & quibus ab illo dissentio. [Nunc dicendum est de imperiis. Est enim hoc ex propositis honorum generibus, tertium. Imperium autem non iam maiorem quandamprehendendi & coercendi potestatem, sed exercitum habendi, & belli gerendi facultatem appello, quomodo intellexit in Antonium Cicero, cum dixit. Demus igitur imperium Cæsari, sine quo res militaris administrari non potest. Quod imperium quantum ab illo differat, inde intelligi potest, quòd imperium illud in

vrbe, hoc nisi extra urbem non habetur, nisi fortè senatusconsulto summo illo de quo dixi, muniti fuerint consules, vt prouideant ne quid respublica detrimenti accipiat. Et magistratus quidem qui illud habet nullo alio honoris titulo nisi qui magistratus nomine continetur, ornatus est: hoc qui adeptus est, idem imperatoris nomen usurpat. Et illud quidem cum magistratu, & cum fascibus ipsis mandatur (est enim ius magistratus) hoc alia ratione atque aliis comitiis quàm ipse magistratus deferitur. Mandatur autem aut magistratibus, aut priuatis: illis ordine, vt prætoribus, consulibus & dictatoribus: his extra ordinem, vt qui consulatione aut prætura abierint, aut alio modo priuati fuerint. Est autem operæpretium intelligere, quemadmodum cùm consulatione & prætura centuriatis comitiis, dictatura verò consulis appellatione deferatur, ipsorum tamen imperium curiata lege, non centuriata firmetur. Hoc docet Liuius, qui libro quinto dixit comitia curiata rem militarem continere: Et Cicero, qui in secunda agraria. Consuli si legem curiatam non haberet, rem mili-

tarem attingere non licere. Item consulibus legem curiatam ferentibus à tribunis pl. sæpe intercessum esse. Et iterum Liuius libro nono, qui scriptum reliquit dictatori Papyrio legem curiatam de imperio ferenti triste omen diem diffidisse, quòd Fautia curia principium fuerit. Ex quo suspicari facillè possumus, idem in prætoribus etiam euenisse. An verò hoc perpetuum in consulibus fuerit, vt imperium habere, id est bellum gerere, nisi lata lege curiata, nequiverint, meritò reuocari in quæstionem possit. Primùm enim illud mouet admirationem, quòd ex infinita prope consulum multitudine, quos ad bella quotannis missos produnt historiæ, neminem præcipua hac curiata de imperio lege, ornatum videmus. Deinde extant verba Ciceronis, ex quibus apparet legem curiatam consulis rebus aptam fuisse, necessariam non fuisse. Sunt autem in epistola ad Lætulum. Appius cos. dicitur sese si licitum esset legem curiatam ferre, fortiturum cum collega prouinciam, si curiata lex non esset, comparaturum cum collega, & tibi successurum. Legem curiatam consuli ferre opus esse, necesse non

esse. Se quoniam ex S. C. prouinciam haberet, lege cornelia imperium habiturum quoad in urbem introisset. Sunt qui putent te non posse decedere quòd sine lege curiata tibi succedatur. Et libr. tert. ad fratrem. Appius sine lege curiata confirmat se Létulo nostro successurum. Et lib. quarto ad Att. Appius sine lege, suo sumptu, in Ciliciam cogitat. Quibus verbis significat consuli fuisse vtilem legem curiatam, verùm non necessariam. Nam etiam sine ea imperium obtinuisse. Probè. Nam ante legem quidem Corneliam qui prouinciam habebat, si vltra annum eam obtinisset, prorogatione imperij eguit: lege autem Cornelia donec in urbem reuersus esset, imperiũ (vt ille innuit) tenuit. Præterea verò qui legem curiatam non habebat, iis ne senatus quidem consultò eo ornatus fuit, quo sumptus de publico suppeditabatur: qui autem habebat, viaticum à senatu obtinuit. Quocirca legem curiatam vtilem quidem appellauit, quia sine ea viaticum obtineri non poterat: non necessariam verò, quia sine ea habet in prouincia, imperium poterat. Age verò, magistratus sine lege curiata

imperium habuerunt : num verò priuati
eam desiderarunt? multò (vt mea fert opi-
nio minus). Hoc cùm multa confirmant,
tum maximè verba Ciceronis in secunda
agraria, cùm ait, inauditum & planè no-
uo more esse vti curiata lege magistratus
detur, cui nullis antè comitiis sit datus: id
est, vt imperium priuata lege curiata tri-
buatur. At qua lege priuati imperium à
populo acceperunt? nempe tributa. Vt
de continuando P. Scipioni imperio Li-
uius, Consules iussi cum tribunis pleb.
agere, vt si iis videretur, populum roga-
rent quem vellent in Africa bellum ge-
rere. Omnes tribus pop. Scipionem ius-
ferunt. Et de Lentulo ac Stertinio, plebs
Cornelio Lentulo, & L. Stertinio procos.
imperium esse in Hispania iussit. Sic Cn.
Pompeio magno contra piratas lege Ga-
binia: aduersus Mithriditatem lege Ma-
nilia. Animaduerto etiam imperium pri-
uato sæpe S. C. mandatum. Vt Cn. Pom-
peio Procos. aduersus Sertoriũ in Hispani-
a: Cn. Pisoni auctore Salustio Propræt.
in eadem. C. Octauiano propræt. ex senten-
tia Ciceronis aduersus M. Antonium Mu-
tinam coloniam oppugnantem. Qui au-

tem à senatu imperium accepissent, eos nomen imperij tantum, sine ullo viatici subsidio assecutos, nescio an ex Pompei epistola coniici possit, quàm ad Senatum ex Hispania Proco. milit, & stipendium petiit: quæ est apud Salustium. Equidem fateor me ad hoc bellum maiore studio quàm consilio profectum: qui nomine modo imperij à vobis accepto, diebus quadraginta exercitum paravi. Cur autem priuati lege curiata imperium accipere non potuerunt, credo quia curiata comitia auspicata erant: Proconsules autem & Proprætore, vtpote qui teste Cicero- ne, priuati & sine magistratu essent, auspicia non habebant: tributis autem comitiis rectè accipiebant, quæ erant vt dixi inauspicata. Nam P. Scipionis quem priuatum cunctis centuriis cum imperio in Hispaniam missum esse inquit Liuius, nouum planè ac singulare exemplum est.

Atque hæc quidem mea de imperio sententia est. Neque enim satis probare possum eruditi hominis in primis ac disertì Nicolai Gruchij opinionem, qui his duntaxat quas proposui auctoritatibus fretus, neminem omnino censet sine curiata lege

imperium habuillè: cùm tamen iisdem testimoniis priuatos homines tributa lege imperium accepisse facilè reuincatur. Neque verò in eo etiam illi assentior, quòd ait legem curiatam bis esse latam: primùm magistratus mandandi causa, deinde imperij transmittendi. Quòd quoniam vnius Ciceronis ex secunda in Rullum testimonio nifus affirmat, an is fuerit in ea re Ciceronis sensus, paulò diligentius, quod etiam suprà, cùm de suffragiis ageremus, fecimus, exquiramus. Sic loquitur Cicero. Primùm lege curiata decemuiros ornat. Iam hoc inauditum, & planè nouo more vti curiata lege magistratus detur cui nullis comitiis antè sit datus. Dico igitur Ciceronem (vt sæpe aliàs solet) captiosè agere, atque argutè: aliàmque quàm quæ erat Rulli sententiã demonstrare. Rullus enim decemuiros agrarios legi comitiis tributis volebat, curiatis autem imperio decorari. Sed quoniam non omnes tribus ille aduocari iubebat, propterea ea comitia pro nullis esse habenda existimat: ac reprehèdit quòd nouo more imperium detur lege curiata ei cui magistratus nullis antè comitiis datus sit. Inde alteram
captio-

captionem adfert, perindè enim verba legis *Seruilæ* accipit, quasi *Rullus* magistratum decemviris binis comitiis mandari iuberet tributis & curiatis, nõ autem magistratum tributis mandaret, imperium curiatis & vitio dat, quod tributa comitia imperfecta afferat, curiata obsoleta referat. Idque eo indignius esse ostendit, quòd cum apud maiores bina essent comitia cæturiata, quibus consules, & curiata, quibus reliqui magistratus, eaque bis haberentur, vt esset reprehendendi potestas, si populum beneficii sui pœniteret: hîc tamen comitia bina adhibuerit ille quidè, sed aut manca, aut absoleta. Ex quo intelligi potest *Ciceronem* aptius ad causæ quàm ad veritatis rationem ita disputasse: idque eum cum apud imperitam multitudinem ageret facile efficere potuisse.] Summa nostræ controuersiæ est de lege curiata, quæ magistratibus ferebatur. Ego eam ad omnes magistratus qui populi ac non plebis modò essent, pertinuisse assero. *Sigonius* ad paucos atque adeò ad eos modò, qui rei bellicæ imperiũ habuerint, pertinuisse existimat. Ac ne iis quidem magistratibus quibus militare imperiũ erat, necessariam

posse auspicato haberi, nisi Romæ. Quæ causa est ut tametsi iam tum frequens vltus esset tribunorum comitiorum, eorum tamen nullam faciat mentionem: quia scilicet non ab omnibus comitiis argumentum duceret, sed ab iis modò quæ auspicata essent. Illud etiã ex eo loco intelligi potest, Camillum quo magis populum commoueret, comitiorum centuriatorum & curiatorũ vsum illo tempore, & frequentem, & maximè necessarium populo proposuisse, cùm dicit curiata comitia rem militarem continere comitiis centuriatis coss. tribunosque militares, creari. Attamen si quis ex eo colligere vellet nullum alium horũ comitiorum vsum tum fuisse, conclusionem & falsam & ineptam faceret. Certũ est enim ut tum temporis multę leges ferebantur centuriatis comitiis, ita curiatis comitiis tum in arrogationibus, tũ in Maximi Curionis, ac Flaminum creatione, populum vsum fuisse. Vnde efficitur alios etiam vsus tum fuisse horum comitiorum, quàm hi quorum meminit Camillus. Illud quidem certè verum est quod dicit Camillus curiata comitia rem militarem cõtinuisse: hoc est, magistratibus om-

nibus qui rem militarē attingerēt, adeò necessaria fuisse curiata comitia, vt nò possēt nisi lege curiata de eorum imperio perlata rem militarem attingere. Ex quo apparet quàm necessaria erat Reip. administratio rei militaris, tam fuisse necessarium vsum curiatorum comitiorum. Idque quod de lege curiata dixi adeò verum fuit, vt non modò cōsulibus, tribunis, aut militaribus, quos solos maiores magistratus adhuc populus creauerat, curiatis illis comitis opus fuerit, sed etiā dictatori qui absque populi suffragio fiebat. Ex quo perspicuum est vsum curiatorum comitiorum latius patuisse, quàm centuriatorum: si quidem curiata de omnibus magistratibus qui tū temporis ad bella gerenda mittebātur, haberi oportebat, non de omnibus centuriata. Quod autem de dictatore dixi, ex illo etiam Liuii loco doceri potest qui scribitur lib. ix. pr. decad. vbi de L. Papyrio dictatore ita loquitur [Atque ij] legē curiatam de imperio ferenti, triste omen diem diffidit: quod Faucia curia principium fuit, duabus insignis cladibus, captæ urbis, & caudinę pacis: quod utroque anno eiusdem fuerat principium. Macer Lici-

nus tertia etiam clade quæ ad Cremeram accepta est, abominandam eam facit. Dictator postero die auspiciis repetitis legē pertulit] Quem locum si diligentius perpendere velimus, non modò id perspicimus verum esse quod de dictatore dixi, sed etiam v̄sitatū fuisse vt de imperio consulum aut tribunorum militarium consulari potest. qui ad illam vsque ætatem creati erant, singulis annis lex curiata ferretur, nam quo anno vrbs capta est, tribuni militum consulari potestate erant tres Fabii Q. N. & Cæsos, P. Sulpitius, Q. Seruilius Fidenas. iiii. P. Seruilius Malaginenſis. Cū facta est pax caudina, consules erant T. Veturius & Sp. Posthumius. Et cū cæsi sunt ad Cremeram, Fabij coss. etiam erant qui summum imperium habebant. Ex hoc igitur loco apparet & de illorum tribunorum milit. & de horum consulum imperio latam fuisse legem curiatam in qua Fautia curia fuit principium. Cum verò Liuius ita loquitur [quod vtroque eiusdem fuerat principium] nōne significat v̄sitatum fuisse, vt singulorum annorum consulibus aut tribunis lex curiata ferretur in qua non Fautia, sed aliqua alia

melioris ominis curia principium esset?
Quo magis miror Sigonium diligentissimum
historiæ Romanæ observatorem,
scribere, [ex infinita consulum multitudine
quos ad bella quotannis missos pro-
dunt historiæ, neminem præcipua hac cu-
riata de imperio lege ornatum videri.] Est
& alius locus Ciceronis in secunda agraria,
qui ita scribitur: [Consuli si legem curi-
atam non habet attingere rem milita-
rem, non licet hic qui vetat intercedi po-
testatem, etiam si intercessum sit, tamen
eandem constituit, quàm si lata esset lex.]
Hunc locum ego sic interpretor. Irridendus
est Rullus, inquit Cicero, in eo quòd suis
vult decemviris licere quod ne cõsulibus
quidem licet. Vt sit argumentum à maiori
ad minus, quod ita tractari possit. Consu-
laris imperij pars potissima est in rei mili-
taris, quàm pro iure sui magistratus habet
potestate: attamen consulibus non licet
absque lege curiata rem militarem attingere:
atque adeò non licet ea quam habent
potestate, absq; lege curiata: vt multò ergo
minus id licere debet decemviris agrariis,
vt sua quanta à Rullo datur potestate, vt
possint. Ex iis ergo locis quid possit elici,

quo nostra controuersia dirimatur, videamus. Consuli (inquit Cicero) non licet ré militarem attingere absque lege curiata. Hoc verò si consuli non licet, multò minus prætori licet, in quo etiam mecum Sigonius consentit. Atqui hoc ipsum licere rem militare attingere, est imperium obtinere: quod etiam cōcedit Sigonius. Nul- li ergo consuli aut prætori licuit militare imperiū obtinere absque lege curiata. Adde nunc & primum illum Liuij locū, comitia curiata rem militarem continent. Quid est Sigoni comitia curiata ré milita- rem cōtinere aliud, quàm sine lege curia- tis comitiis perlata, nemini licuisse rem militarem attingere? An non illis verbis Camillus necessarium vsum comitiorum curiatorum populo subiecit? Quod si co- mitia curiata ad rem militarem necessaria fuisse locus ille conuincit: illa verò neces- sitas non possit in alia re intelligi, quàm vt de lege curiata intelligatur, quæ magistra- tibus militare imperium habentibus, fere- batur. Illud profecto necessariò fatendum est quod à me libro tertio de comitiis di- ctum est omnibus magistratibus, qui cum imperio in prouincias mittebantur, neces-

fariam fuisse (vt nihil per vim, aut præter
leges fieret) legem curiatam. Quod verò
Sigonius de Appio consule ex Cicerone
profert, meam magis confirmat sententiã
q̃ suã: fatebatur enim Appius lege curiata
tibi opus fuisse, hoc est, vt iure ac more
maiorum imperium obtineret, eguisse le-
ge curiata cur enim tantopere contendis-
set vt sibi curiatam legem ferre liceret. At
peruersè & malignè interpretando legem
corneliam, non esse omnino necessariam
sibi legem curiatam dicebat: lex enim cor-
nelia non de obtinendo, sed de prorogan-
do imperio erat. At Appius ita in rem suã
interpretabatur, quasi liceret ei imperium
habere per legem corneliã, etiam non ob-
seruatis iis quæ more ac instituto maiorũ
ad obtinendum legitimum imperium e-
rant necessaria. Quod autè dixi, si ius qui-
dem quærat Appio necessariam fuisse
legem curiatam, verba Ciceronis quæ cõ-
tinuò sequuntur, significant [Ego quid ad
te tuorum quisque necessariorum scribat,
nescio: varias esse opiniones intelligo. Sũt
qui putant posse te non decedere, quòd si-
ne lege curiata tibi succedatur. Sunt etiam
qui si decedas, à te relinqui posse, qui pro-
uincia

uinciæ præsit. Mihi non tam de iure certum est (quanquam ne id quidem valde dubium est) quàm illud ad tuam summam amplitudinem, dignitatem, libertatem, (qua te scio libentissimè frui solere) pertinere, te sine vlla mora prouinciam successori concedere] nōne id non dubii iuris fuisse Cicero significat, quia sine lege curiata Lentulo succedere volebat Appius, potuisse Lentulum imperium retinere, ac successorem non admittere? Attamen ut de iure suo potiùs decedat consulit Lentulo Cicero. Extra ordinem ergo & præter leges imperium obtinebant qui sine lege curiata in prouincias proficiscebantur, ut planè superiora illa cum his postremis collata conuincunt. Quare cū vel à populo, vel à senatu datum priuato alicui imperium legimus, quia nihil aliud intelligere possumus quàm ex priuato factum esse aliquem aut procos. aut propræt. id verò erat aut consulare aut prætorium ei imperium dare: hoc porrò imperium ut legitimum esset accelsione legis curiatæ opus habuit: necesse est ut fateamur eos omnes qui priuatim prouincias cum imperio mittebantur, lege curiata ornari oport-

tuisse. Nam si iis qui in magistratu essent lege tamen curiata opus fuit, multò perfectò magis iis opus fuit qui privati erant: postquam certè iustis quibusdam comitiis magistratum acceperant: præsertim post legem à C. Cornelio tribunopl. perlatam, vt pluribus docui lib. sec. de comitiis. Cùm enim iis qui cū imperio mittebātur in prouincias quas prætorias senatus nominauerat, lex curiata ferebatur, non quid probabilius est vnā simul omnibus latam fuisse, quā vel seorsum de vnoquoque, vel de quibusdam latā fuisse, de aliis minimè? Atqui sæpe vsuueniebat, vt in hoc numero essent multi qui non erant ex prætorum illius anni collegio, sed vel ex proximo vel ex aliquo etiam superiore prætorum collegio: qui quidem tum privati erāt. Quam ergo probabilem causam adferre poterit Sigonius cur illius anni prætoribus qui in prouincias ire vel lent ferretur lex curiata, aliis prætoribus qui simul cum iis in prouincias ac pari imperio mittebātur, non ferretur? Quod idem in iis etiam quæri potest, qui in eas quas senatus cōsulares decreuerat, mittebātur. At proprætores & proconsules (inquit

Sigonius) nec magistratus erāt, nec auspicia habebant. Illud falsum, hoc verum. Nam si magistratus non fuerunt, improprie, ne dicam ineptè, locutus est Cicero, qui toties hoc eos nomine appellat, cū aliàs, tum verò sæpe in orationibus: vbi cōqueritur à nostris magistratibus, diripi prouincias, à magistratibus socios vexari. Vt omittam planè id absurdum videri, non esse eum magistratum, qui fasces, qui summum imperium ac potestatem habere passim apud latinos auctores, legatur. Et quæstores scilicet qui extra urbē prouincias obtinebant, magistratus fuerunt: prætores prouinciarū non fuerunt. Quod verò negat auspicia habuisse procons. & proprætt. id facit auctore Cicerone libro secundo de Diuinatione: neque tamen in eo mihi satis causæ esse videtur, vt lege curiata eos ornatos fuisse negādum sit. Quibus enim consulibus prouinciæ dabantur ætate Ciceronis, eas ferè non administrabant, nisi peracto anno sui consulatus: vnde apparet proconsules illos suas prouincias gessisse. Ad imperium tamē illud prouinciale transmittendum lege curiata iis opus fuisse demonstraui. Quanquam

ergo illis prouincialibus imperiis gerendis auspicia non adhiberent, iis tamen obtinendis auspicata lege curiata opus habebant. Quod ergo Procoff. auspicia nō haberent, non potest ratio esse, cur lege curiata non ornarentur. Tametsi enim posterioribus téporibus nescio quo antiquæ religionis contemptu neglecta ac planè omissa essent auspicia bellica, quæ in bellis gerendis maiores seruari voluerant: quin tamen auspicato crearentur ij magistratus quibus militare imperiū dabatur, id verò non dubito, eoque adducor tum illis quas antè adduxi rationibus, quæ hac vna conclusionē comprehendi possunt: nullus magistratus imperium obtinere iure ac legibus potuit absq; lege curiata omnes Procoff. & Propræt. magistratus & fuerunt, & ab Latinis auctoris appellati sunt. Nullus ergo horū absque lege curiata legitimum imperium obtinere potuit: tūn verò T. Liuij verbis statim initio libri sexti tertiæ decad. quæ ita habent [principio eius anni cū de literis L. Martij referretur, res gestæ magnificæ visæ: titulus honoris, quod imperio nō populi iussu, non ex auctoritate patrū dato, poprætor sena

tui scripſiſſet, magnam partem hominum offendebat. Rem mali exempli eſſe, imperatores legi ab exercitibus, & ſolenne auſpicatorum comitiorum in caſtra & provincias procul ab legibus magiſtratibusq; ad militarem temeritatē transferri.] Verba enim illa[ſolenne auſpicatorum comitiorum]non poſſunt de tributis comitiis intelligi, quibus tamen ferè tum temporis Proprætoreſ & Procoſſ. fiebant, vt etiam fatetur Sigonius, neq; enim tributa comitia auſpicata erāt. At ne id quidem poteſt de centuriatis intelligi, quæ procoſulibus & propræt. creandis vix vnquam leguntur habita, niſi in vno P. Scipione, cū procoſ. in Hispaniam miſſus eſt, idque nouo more & extra ordinem, vt etiam rectè Sigonius ſcribit. Reſtat igitur vt de curiatis comitiis intelligatur. Quare præter illa inauſpicata plebis comitia quæ de proprætoreſ à tribuniſpl. ferè ſemper tum habebantur alia etiam comitia auſpicata, atque illa curiata, habita fuiſſe oportet, aut verum non eſt quod de Propræt. imperio loquens Liuius dicit [ſolenne auſpicatorum comitiorum.] Sequitur nunc vt oſtendamus non eos ſolū magiſtratus

quibus militare imperium erat lege curiata ornatos fuisse, sed etiam alios magistratus, qui quidē populi ac nō plebis tantū magistratus essent. Ac primū omnes qui magistratuū minorū nomine continētur, illis Messalæ verbis quæ à me citata sunt ex A. Gellij lib. xij. cap. xiiij. lege curiata ornatos fuisse, verba illa aperte demonstrant [Reliquorum magistratuum minora sunt auspicia. Ideò illi minores, hi maiores magistratus appellantur. Minoribus creandis magistratibus, tributis comitiis magistratus, sed iustius curiata datur lege. Maiores, centuriatis comitiis fiunt.] Nam si eorum auspiciis quæ erāt penes patricos partem alteram habuerunt minores magistratus, necesse est vt illa auspicia à populo accepta haberent auspicatis quibusdam comitiis fuisse creatos. At tributa quibus creabātur auspicata nō erant: non ergo iustum magistratum tributis accipiebant. Quia ergo minoribus magistratibus centuriata non adhibebantur, relinquitur vt curiata de iis haberētur. Illudq; adeò est quod ait Messala iustius ijs dari magistratum curiata lege quàm tributis comitiis. Et quod innuit Cicero in secūda

Agraria, cū scribit curiata comitia tantū auspiciorum causa remansisse. Ita enim omnino accipiendum est, vt significet illa quidem comitia quę olim de magistratibus triginta curiarū suffragio habebantur, desuisse fieri, eorum tamē speciem atq; imaginem retentam esse propter auspicia. Ex quibus perspicuum est omnibus quæstoribus, omnibus ædilibus curulibus, omnibus tribunis militaribus, ac reliquis minoribus magistratibus, iis exceptis qui plebis tantū non populi erant magistratus, lege curiata opus fuisse. Et quoniam non modò Messala, sed etiam Cicero hoc loquendi genere vtitur, vt lege curiata magistratum dari dicat, falsa sunt illa Sigonij pronunciata. Aliis comitiis magistratum, aliis imperiū dari lege curiata imperium non magistratum accipi. Quin potius cōtra qui tributis comitiis creabantur iusti⁹ curiata lege magistratū accipiebant, quàm tributis comitiis. Cicero certē pro iisdem accipit has omnes dicendi formas decemuiros lege curiata ornari, decemuiris lege curiata magistratum dari, decemuiris legē curiatam ferri, decēuiros lege curiata potestatem habere. Quod verò in decemui-

ris Cicero dicit, cur nō possit ad alios magistratus trāsferri nulla causa est. Triumuiros ergo, Quinqueuiros, aut quotquot creari placebat, siue ad agros diuidendos, siue ad colonias deducēdas, cūm dicemus lege curiata ornatos fuisse, hoc dicemus, quam habebant potestatem, atque adeò suum magistratum lege curiata quæ ad comitia tributa accedebat, accepisse. Neq; enim verisimile est quod dicit Sigonius, lege curiata huiusmodi magistratus imperium, hoc est, vt ipse interpretatur, belli gerendi facultatem accepisse. Nam qui non coloniæ deducendæ, sed agro tantūm publico diuidendo creati erant, ex vrbana plebe maximè, iisq; adeò ciuib; qui erant ex sexta classe omni onere militiæ immuni, eos desumebant quibus agros assignabant. Et qui in colonias nomina dabāt, tametsi ex iis magna ex parte essent qui sub iis ducibus meruerant quorum opera in populi Ro. potestatem ea oppida venerant, in quæ coloniæ deducebantur, omnes tamen in pacata iam oppida, nō ad bellum gerendum se proficisci credebāt. Quis verò vnquam hanc nominis dationem in coloniam, aut in agrum, delectum
militarem

militarem appellauit? Quis ductores coloniarum (de iis non loquor quæ postremis temporibus coloniarum militares dictæ sunt) imperatores vocauit? Quod ergo imperium militare intelligi potest ubi nullus hostis, nullum bellum decretum, nullus delectus, nullus imperator cernitur? At sub vexillo, inquit, deducebatur. Id quidem verum est. Attamen in eo ego umbram tantum ac speciem imperii militaris agnosco, verum imperium non agnosco. Atque ut meam tandem opinionem proferam de imperio magistratuum, omnes ego magistratus potestatem habuisse existimo, quæ tam late pateret, quam ius sui magistratus: hoc est reipublicæ procuratio quatenus ei publicè demandata erat. Verum in ea potestate alij imperium habebant, alij non habebant. Imperium habuisse dicuntur omnes qui pro suo magistratu, hoc est, quæ patebat sui magistratus potestas, ius habebant imperandi, usque adeo ut parandi necessitatem imponerent. Idque ius imperandi in quibusdam magistratibus tam in rebus bellicis quam in rebus urbanis valebat: ut in consulibus, quibus domi bellique summum imperium erat. Et quoniam prætores collegæ erant consulibus, illorum e-

deni in quatuor legiones à populo crearetur.] Hic verò libēs obiter rogarem Sigonium, quomodo in his tribunis militum (quorum erat huiusmodi magistratus, vt totus consisteret in rei militaris administratione) magistratum ab imperio distinguet, & quomodo vnis comitiis magistratum aliis comitiis imperium dabit? Vt ergo multa essent ac diuersa munera publica, in quibus magistratum imperium cerneretur, verbi tamen significatio vna semper erat vt imperiū significaret maiorem illam reip. gerendæ potestatem in qua inesset coercendi cogendique facultas, quæ parendi necessitatem imponeret. Quod si in omnibus qui in prouincias mittebātur pariter & eodem modo verum fuit eos fuisse cum imperio, ita vt illud cum imperio esse vna verbi significatione in omnibus illis acciperetur, verum profectò non est illud cum imperio esse, significare exercitui præesse, cuius quis imperator esset permultos enim legimus prouincias consulares aut prætorias obtinuisse cum imperio, quibustamen nullus exercitus cui præessent decretus erat. Cur enim in pacatas prouincias, & in quibus nulla esset bel-

li suspicio, mitteretur exercitus? At in pacatas provincias quàm multi prætores missi leguntur. Quinetiam còsulares provinciae interdum tales decernebantur, in quibus exercitu nullo modo opus esset Suetonius in Cæsare ita scribit [Eandem ob causam opera optimatibus data est, ut provinciae futuris consulibus minimi negotij, id est sylvarum callésque decernerentur.] His opinor administrandis ignobilibus provinciis, quæ sylvarum publicarum & saltuum publicorum in quibus pascerentur pecora, unde scripturæ vectigal conficiebatur, procurationem continebant, legionibus opus non fuit. Ex quibus efficitur si illi modò imperium habuisse, aut cum imperio fuisse dicantur qui exercitum habuerunt quibus præessent, quemadmodum videtur velle Sigonius, permultos fuisse còsules ac prætores qui in provincias mittebantur, quos non fuit verum dicere cum imperio fuisse. Illud quidem certè verum fuit, potestatem eos habuisse exercitus comparandi si quid accidisset in sua provincia, cur exercitu opus esse videretur: at verum non fuit omnes exercitui præfuisse. Potius ergo illud cum imperio esse significabat

talem magistratum obtinere, in cuius potestate inesset belli gerendi facultas, tametsi nunquam bellum attingeret, quàm ut significet cuiusdam exercitus imperatorem esse. Iam verò cum legimus magistratibus prorogatum fuisse imperium, si in eadem significatione verbum imperij accipiatur in omnibus magistratibus, ita necesse est vim illius verbi interpretari, ut omnibus illis accommodari possit. At si ita interpreteris ut tantum significet: potestatem ducendi exercitus cui quis præerat ei prorogatum esse, non omnibus accommodabitur: quandoquidem multi exercitum nullum habuerunt, quibus prorogatum fuisse imperium legitur. Non ergo hoc significat imperium, quod dicit Sigonius. Et sanè cum prorogatum imperium legimus, aliud nihil intelligere possumus quàm magistratui continuatam esse eam quam habebat iure sui magistratus potestatem, siue iurisdictionem, siue rem bellicam spectes. Ac si proprætoris potestas non modo cernitur in rei militaris administratione, sed etiam in iurisdictione, & omni reliqua reipub. administratione, quoad fines suæ provinciæ paterent: illud autem

certum sit ex quinta Philippica cùm decretum est Cæsari Octauiano imperium à senatu, proprætoris potestatem ei datam esse: sic enim scribitur[Demus igitur imperium Cæsari, sine quo res militaris administrari, teneri exercitus, bellum geri non potest:& vt sit proprætore eo iure quo qui optimo] Datum ergo Cæsari imperium, non significat idem quod belli gerendi potestatem ei datam esse, sed reipubl. Capessendæ, ac muneris publici auctoritate publica gerendi datam ei potestatem: cuius pars esset rei bellicæ administratio, non tota ipsa potestas omninoque illud[Demus imperium Cæsari] aliud nihil significat, quàm ex priuato faciamus eum magistratum, atque ad eò proprætorem, cuius magistratus iure prætorium imperium habeat, tam in iure dicendo, quàm in bello gerendo. Nam si ita interpreteris vt vult Sigonius, inepta repetitione vtetur Cicero, cùm dicit: demus Cæsari potestatem belli administrandi, sine qua bellum administrari nō potest. Verùm omissa hac de significatione verbi imperij disputatione, vt ad legē curiatam redeam, ego sic rursus communem rationem concludam. Omni magi-

stratui cui pro iure sui magistratus licuit rem militarem attingere, opus fuit lege curiata. Atqui omni dictatori, omni consuli aut consularem potestatem habenti, omni-que prætori aut prætoriam potestatem habenti, licuit pro iure sui magistratus rem militarem attingere. Omni ergo dictatori, omni consuli aut consularem potestatem habenti, omni denique prætori aut prætoriam potestatem habenti, opus fuit lege curiata. Nam omnium dictatorum par fuit atque eadem potestas. Itémque cōsulum, tametsi diuersæ essent prouinciæ, nunquã fuit potestas dispar, aut vnus cōsulis mai⁹ imperium quàm alterius: quod item verũ est in prætoribus. Si ergo horum quibusdam licuit pro iure sui magistratus rem militare attingere, omnibus licuit. Quod si potestatem habere administrandi rem bellicam, tametsi nunquam bellum attingas, satis causæ habet vt imperium quis obtinuisse dicatur: illa verò potestas non aduentitia fuit, sed in ipso magistratu insita: certè in ipso magistratu tale imperiũ inerat, quale vult lege curiata datum fuisse Si-
gonius. Ex historiæ Liuianę lectione perspicuum est multos dictatores fuisse, qui

tus esset imperium haberet militare, id verò negari non potest. Sumamus exempli causa L. Quintum Cincinnatum dictatorem, & C. Servilium Ahalam magistrum equitum qui ad opprimendum Sp. Meliū regnum affectantem creati sunt. Quòd ergo illi præsidia vndique in vrbe disposuisse legūtur, nōne pro imperio illo militari quod habebant, id fecisse dicendi sunt? Id verò imperium militare qua lege nisi curiata obtinuerunt? Non igitur verū est quod scribit Sigonius, imperium quod lege curiata obtinebatur, non nisi extra urbem obtentum fuisse. Ac si quod lege curiata obtinebat imperium dictator, ad id imperium pertinuit quod tam in vrbe, quàm extra urbem habebat: id verò imperium erat illud ipsum imperium quod in ipso magistratu dictatoris insitum erat, idque ad eò quòd cum ipso magistratu obtinebatur: necesse profectò est cū legimus de dictatoris imperio legem curiatam latam fuisse, de vniuerso dictatoris imperio, quod iure sui magistratus habebat, intelligi, ac non de illa tantū exercitus ducendi potestate aduentitia, quam solam imperij nomine

intelligit Sigonius. Quod idem certè dicendum est in aliis omnibus magistratibus, de quorum imperio legimus latam fuisse legem curiatam. Id verò apertissimè doceri potest ex formula legis curiatæ, qua ornari volebat suos decemuiros Rullus: quam scribit Cicero huiusmodi fuisse. [Eam legem ab eo prætore qui sit primus factus, ferri iubet? At quomodò? Ut ij decemviratum habeant, quos plebs designauerit] primùm enim ex iis verbis intelligimus legem curiatam ferre de imperio decemvirorum aliud nihil fuisse, quàm de ipso decemviratu legem ferre: ita ut ornari decemuiros lege curiata idè esset, quod de ipso decemvirorum magistratu legem curiatam ferre. Deinde verò, si (ut licet) hanc formulam legis curiatæ velimus ad alios magistratus trāsferre, hoc planè verum esse comperiemus, legē curiatam de imperio magistratuum ferre, idè valuisse quod de iplis magistratibus imperium habentibus, legem curiatam ferre: ut scilicet ij magistratum haberent quos populus designasset. Atque ut ego tādē hanc de lege curiata disputationem cōcludam, postrema ratio quæ Sigoniū maximè vr-

gebit, hæc erit. Quibus magistratibus exercitum imperare licuit, eis lege curiata, auctore etiam Sigonio, opus fuit. Atqui omnibus dictatoribus, omnibus consulibus, ac omnibus prætoribus iis etiam qui in vrbe tantum imperium obtinuerunt, exercitum imperare licuit. Cùm enim cœturiata comitia haberi non possent, nisi imperato exercitu, quemadmodum in lib. de comitiis ego docui ex A. Gellii lib. xv. cap. xxvij. & ex T. Liuij lib. ix. Decad. iij. omnes profectò magistratus quibus centuriata comitia habere licuit, imperandi exercitus ius habuerunt. At illis omnibus quos modò nominaui, centuriata comitia habere licuit. Illis ergo omnibus lege curiata opus fuisse ad obtinendum etiam urbanum imperium, necessariò fatendum est. Atque illa quidem ratio id planè confirmat quod à me scriptum est lib. tertio de comitiis, legem illam curiatam quam legimus latam magistratibus in provincias profecturis, postquam sui magistratus annum in vrbe peregerant, aliam fuisse videri ab illa ordinaria lege curiata quæ singulorū annorum magistratibus ferebatur: illamque legem ad transmittendum

potiùs imperium fuisse, quàm ad obtinendum: quod tamen Sigonius non probat. Et quoniam vt in omnibus magistratibus qui vniuersi populi essent, id verum esse quod dixi de lege curiata, perfecta inductione demonstratum sit; soli restant censores, in quibus separatim nò docui, curiata lege eos ornatos fuisse: pauca de illis quæ mihi probabilia videntur, subiiciam. Censoribus ius fuit lustrandi, id verò teste Liviò lib. pr. quin ediceretur exercitus, ipseque exercitus instructus lustraretur, non potuit fieri. At illud imperium quod in imperando lustrandoque exercitu erat, militare quoddam imperium erat. Censoribus ergo ad illud militare imperium obtinendum (vel Sigonio auctore) lege curiata opus fuit. Nã si imaginarium illud imperium colonos sub vexillo tanquam exercitum deducendi satis causæ habuit cur lege curiata coloniarum ductoribus opus fuerit, quemadmodum Sigonius putat, multo profecto magis aut non minus certè censorum illud imperium, edicendi ex omni populo exercitus, eiusque lustrandi, legem curiatam requisivisse dicendum est. Quæ si vera sunt, perfecta in-

ductione à nobis conclusum erit in omnibus magistratibus, tam maioribus quàm minoribus legem curiatam ferri solitam. Vnde efficietur non modò vera esse quæ non probantur à Sigonio in secunda reprehensione, sed etiam verissima esse illa, quæ de binis comitiis à me ad primam eius reprehensionem dicta sunt.

EXCVSSVM PARISIIS,
anno ab incarnatione Domini,
M. D. L X V.



I ii)

